



Broj: 01/04-14-7266-6/19
Sarajevo, 10.12.2019.

Na osnovu člana. 70. stav (1) Zakona o javnim nabavkama BiH ("Službeni glasnik BiH", br.:39/14), a u vezi sa članom 38. Statuta Grada Sarajeva ("Službene novine Kantona Sarajevo", broj 34/08, - Prečišćeni tekst), Gradonačelnik Grada Sarajeva donosi:

O D L U K U
o izboru najpovoljnijeg ponuđača putem Konkurentskog zahtjeva

I

Prihvata se ponuda ponuđača GRAFOTISAK d.o.o. ul. Blage Zadre br. 26., 88 340 Grude, broj ponude: 01/01-27-11/19 od 28.11.2019. godine, za javnu nabavku: „Štampa Monografije Grada Sarajeva“ u postupku provođenja javne nabavke putem Konkurentskog zahtjeva.

II

Sa ponuđačem „ GRAFOTISAK “ d.o.o. Grude, zaključit će se ugovor o pružanju usluga iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj: 01/04-14-7266-1/19 od 14.11.2019. godine, pokrenut je postupak javne nabavke „Štampa Monografije Grada Sarajeva“ putem Konkurentskog zahtjeva. Obavještenje o nabavci objavljeno je na portalu Agencije za javne nabavke broj: 1278-7-2-396-3-100/19 dana 20.11.2019. godine.

Izmjena i dopuna tenderske dokumentacije objavljena je na portalu Agencije za javne nabavke dana 22.11.2019. godine.

Sa portala Agencije za javne nabavke, tendersku dokumentaciju preuzelo je 12 ponuđača, a izmjenu i dopunu iste preuzelo je 8 ponuđača.

U određenom roku za dostavljanje ponuda na protokol ugovornog organa zaprimljene su 4 (četiri) ponude i to:

GRAFOTISAK d.o.o. Grude, BLICDRUK d.o.o. Sarajevo, DOBRA KNJIGA d.o.o. Sarajevo i COMESGRAFIKA d.o.o. Banja Luka.



Komisija za javnu nabavku imenovana Rješenjem Gradonačelnika, broj: 01/04-14-7266-2/19 od 14.11.2019. godine, izvršila je javno otvaranje ponuda dana 29.11.2019. godine.

Nakon otvaranja ponuda, izvršena je detaljna analiza prispjelih ponuda te je utvrđeno da su ponuđači: GRAFOTISAK d.o.o. Grude, BLICDRUK d.o.o. Sarajevo i DOBRA KNJIGA d.o.o. Sarajevo, dostavili ponude u skladu sa tenderskom dokumentacijom i izmjenom i dopunom tenderske dokumentacije, odnosno uslovima koji su navedeni u istoj.

Ponuda ponuđača COMESGRAFIKA d.o.o. Banja Luka nije prihvatljiva za ugovorni organ iz razloga što ponuđač COMESGRAFIKA d.o.o. Banja Luka nije preuzeo izmjenu i dopunu tenderske dokumentacije objavljene na portalu Agencije za javne nabavke dana 22.11.2019. godine.

Izmjenom i dopunom tenderske dokumentacije izmjenjene su tehničke karakteristike za Monografiju koje su navedene u Obrascu za cijenu ponude Anex 2, a koja se tiče izmjene formata štampanja predmeta nabavke (umjesto Format B5 mijenja se u Format B4), što predstavlja suštinsku izmjenu. Uz izmjenu i dopunu tenderske dokumentacije priložen je novi obrazac Anex 2, koji je bilo potrebno popuniti prilikom dostavljanja ponude.

Komisija je utvrdila da ponuda ponuđača COMESGRAFIKA d.o.o. Banja Luka, nije dostavljena u skladu sa tenderskom dokumentacijom i izmjenom i dopunom tenderske dokumentacije, te se zbog toga ponuda navedenog ponuđača isključuje iz postupka javne nabavke i nije mogla biti predmetom daljeg vrednovanja.

Komisija je utvrdila cijene prispjelih ponuda koje su prihvatljive za ugovorni organ, redoslijedom kako su zaprimljene na protokol ugovornog organa i to kako slijedi:

1. GRAFOTISAK d.o.o. Grude21.000,00 KM bez uračunatog PDV-a,
2. BLICDRUK d.o.o. Sarajevo28.935,00 KM bez uračunatog PDV-a,
3. DOBRA KNJIGA d.o.o. Sarajevo.....24.225,00 KM bez uračunatog PDV-a.

Obavještenjem o nabavci kao i tenderskom dokumentacijom u ovom postupku nabavke, ugovorni organ je predvidio provođenje **e-aukcije**, putem Agencije za javne nabavke, za ponuđače koji su dostavili prihvatljive ponude odnosno ponude u skladu sa tenderskom dokumentacijom i izmjenom i dopunom tenderske dokumentacije.

Nakon provedene **e-aukcije** te dostavljenog Izvještaja o toku i završetku **e-aukcije** od strane Agencije za javne nabavke, utvrđena je konačna rang lista ponuđača koji su učestvovali na e-aukciji i to kako slijedi:

1. GRAFOTISAK d.o.o. Grude**21.000,00 KM bez PDV-a;**
2. DOBRA KNJIGA d.o.o. Sarajevo..... **24.225,00 KM bez PDV-a;**
3. BLICDRUK d.o.o. Sarajevo **28.935,00 KM bez PDV-a.**

Imajući u vidu naprijed navedeno, Komisija za javnu nabavku sačinila je Zapisnik o pregledu i ocjeni ponuda od 09.12.2019. godine, te na osnovu kriterija najniža cijena, dala preporuku Gradonačelniku da se ugovor za „Štampa Monografije Grada Sarajeva“, dodjeli ponuđaču „GRAFOTISAK“ d.o.o. Grude, Blage Zadre broj 26., 88 340 Grude, koji je nakon provedene e-aukcije dostavio najnižu cijenu u iznosu od 21.000,00 KM bez uračunatog PDV-a.

U postupku donošenja odluke posebno su cjenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispijelih ponuda u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocjenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Prihvatajući preporuku Komisije Gradonačelnik Grada Sarajeva donosi ovu odluku.

POUKA O PRAVNOM LIJEKU:

Ponuđač koji je učestvovao u postupku javne nabavke može radi zaštite svojih prava i pravnih interesa u roku od 5 (pet) dana od prijema obavijesti (odluke) o izboru najpovoljnijeg ponuđača izjaviti žalbu ugovornom organu u dovoljnom broju primjeraka.

Gradonačelnik Grada Sarajeva

Mr. Abdulah Skaka

DOSTAVITI:

-Ponuđačima

- a/a